

# Medrwn Môn

Eich cyngor gwirfoddol sirol lleol



## 7. Dod o hyd i arian a'i gael

### 7.4.1 Grantiau bach

#### Trosolwg

Mae'r daflen wybodaeth hon yn cynnig manylion am grantiau bach, h.y. symiau o hyd at ryw £15,000, sydd ar gael i grwpiau a mudiadau bach yn y sector gwirfoddol yng Nghymru. Mae'r manylion sydd yn y daflen hon yn cynnig canllaw cyffredinol. Bydd y cysylltwyr sydd wedi'u nodi'n gallu rhoi gwybodaeth fwy manwl i chi.

#### Sefydliad Allen Lane

Mae'r Sefydliad yn darparu grantiau i fudiadau gwirfoddol di-elw yn y DU. Yn gyffredinol, mae'r Sefydliad yn dymuno ariannu gwaith a wnaiff wahaniaeth parhaol i fywydau pobl yn hytrach na dim ond lliniaru symptomau neu broblemau dros dro, yn ogystal â phrosiectau sy'n ceisio lleihau arwahanrwydd, stigma a gwahaniaethu ac sy'n hybu neu'n galluogi grwpiau amhoblogaidd i gymryd rhan ym mywyd y gymuned gyfan. Ceir defnyddio grantiau ar gyfer costau cychwyn, costau craidd neu gostau prosiectau ac maent fel arfer rhwng £500 a £15,000.

Mae'r Sefydliad yn rhoi grantiau i fudiadau y mae eu Hymddiriedolwyr yn credu bod eu gwaith yn amhoblogaidd, e.e. gwaith gyda ffoaduriaid a cheiswyr lloches; pobl dduon a chymunedau lleiafrifol ethnig; grwpiau lesbiaidd, hoyw a deurywiol; rhai sy'n profi problemau iechyd meddwl, trais neu gamdriniaeth;

troseddwyr a chyn-droseddwyr, teithwyr a phobl hŷn.

#### Manylion cysylltu:

Allen Lane Foundation, 90 The Mount, Caerefrog, YO24 1AR

Ffôn: 01904 613 223

[enquiries@allenlane.org.uk](mailto:enquiries@allenlane.org.uk)

[www.allenlane.org.uk](http://www.allenlane.org.uk)

#### Cronfa Archesgob Cymru er budd Plant

Mae'r Gronfa hon, a weinyddir gan yr Eglwys yng Nghymru, yn cynorthwyo plant mewn angen a'u teuluoedd a chymunedau lleol drwy waith mudiadau lleol.

Sefydlwyd Cronfa Archesgob Cymru er budd Plant yn 2001 yn sgîl penderfyniad Cymdeithas y Plant i derfynu ei holl weithgarwch yng Nghymru.

#### Nodau ac Amcanion

Pwrpas y gronfa yw helpu plant mewn angen a'u teuluoedd a chymunedau lleol, drwy waith mudiadau yn y drefn flaenoriaeth hon:

- Rhai yn Esgobaethau'r Eglwys yng Nghymru
- Rhai sy'n gysylltiedig â chyrrff Cristnogol eraill sy'n aelodau o Cytûn (Eglwysi ynghyd yng Nghymru)
- Mudiadau eraill sy'n gweithio gyda phlant yng Nghymru.

### **Manylion cysylltu:**

Cronfa Archesgob Cymru er budd Plant,  
Yr Eglwys yng Nghymru,  
39 Heol yr Eglwys Gadeiriol, Caerdydd  
CF11 9XF

Ffôn: 029 20 34 8254

[awfc@churchinwales.org.uk](mailto:awfc@churchinwales.org.uk)

[www.churchinwales.org.uk/awffc](http://www.churchinwales.org.uk/awffc)

### **Cronfa Elusennol Baily Thomas**

Sefydlwyd yr elusen gofrestrdedig hon yn bennaf i hybu ymchwil ym maes anabledydd dysgu a gofal a chysur i'r rhai y mae anabledyddau dysgu'n effeithio arnynt. Rhoddir £1 filiwn ar ffurf grantiau o £250 a mwy. Dim ond ceisiadau gan fudiadau gwirfoddol sy'n elusennau cofrestredig neu'n gysylltiedig ag elusen gofrestrdedig neu gan ysgolion neu gymdeithasau rhieni ac athrawon a ystyrir. Dylid cyflwyno ceisiadau erbyn 1 Mai neu 1 Hydref.

### **Manylion cysylltu:**

c/o TMF Management UK Limited, 410  
Capability Green, Luton LU1 3AE  
Ffôn: 01582 439225

[info@bailythomas.org.uk](mailto:info@bailythomas.org.uk)

### **Barclays ccc**

Mae Barclays wedi ymrwymo i chwarae rhan arweiniol yn y cymunedau y mae'n eu gwasanaethu. Buddsoddodd gyfanswm o £52.2 miliwn mewn cymunedau yn 2008. Mae'r cymorth y mae Barclays yn ei roi drwy nawdd a rhoddion, yn genedlaethol ac yn lleol, yn canolbwyntio ar addysg, yr amgylchedd, pobl sydd ag anabledyddau, y celfyddydau a phrosiectau cynhwysiant cymdeithasol.

### **Manylion cysylltu:**

Tîm Cymunedol Cymru, Ail Lawr,  
Windsor Court, 3 Windsor Place,  
Caerdydd CF10 3BT

Ffôn: 029 20 42 6750

[jean.king@barclays.co.uk](mailto:jean.king@barclays.co.uk)

[www.barclays.com](http://www.barclays.com)

### **Sefydliad Elusennol Bernard Sunley**

Mae'r Sefydliad yn rhoi grantiau i rai mewn amryw o gategoriâu gan gynnwys: addysg; ieuenctid; y gymuned; yr amgylchedd/cadwraeth; iechyd a lles. Fel arfer, rhoddir grantiau sydd rhwng £200 a £5,000. Rhoddir grantiau i elusennau cofrestredig yn unig, gan gynnwys ysgolion yn y DU. Nid oes ffurflen gais – dylid cyflwyno pob cais ar ffurf llythyr esboniadol i'r Cyfarwyddwr.

### **Manylion cysylltu:**

Bernard Sunley Charitable Foundation,  
20 Berkley Square, Llundain W1J 6LH  
Ffôn: 020 7408 2198

Ffacs: 020 7499 5859

[asstdirbsunleycharfund@ukgateway.net](mailto:asstdirbsunleycharfund@ukgateway.net)

### **Ymddiriedolaeth Adfywio'r Meysydd Glo**

Ymddiriedolaeth Adfywio'r Meysydd Glo (CRT) yw'r brif asiantaeth adfywio yn y DU sydd wedi ymrwymo i adfywio cymdeithasol ac economaidd yng nghymunedau meysydd glo Prydain. Mae'r Ymddiriedolaeth yn rhoi grantiau ar gyfer holl feysydd glo Prydain. Ers lansio'r Ymddiriedolaeth yn 1999, mae wedi dyfarnu cyfanswm o tua £8.5 miliwn o grantiau i 500 o grwpiau yng Nghymru.

Yng Nghymru, mae'r Ymddiriedolaeth wedi'i hariannu Lywodraeth y Cynulliad ac mae'n cynnig rhaglen o brif grantiau a grantiau bach. Enw'r rhaglen grantiau bach yw 'Pontio'r Bwlch' ac mae ganddi broses llwybr carlam sy'n targedu grwpiau gwirfoddol a chymunedol bach. Gellir gwneud cais am grantiau bach sydd rhwng £500 a £10,000 a phrif grantiau o hyd at £100,000. Bydd Pwyllgor Grantiau Cymru'r Ymddiriedolaeth, sydd newydd ei sefydlu, yn ystyried ceisiadau am gyllid refeniw a chyfalaf.

Bydd yr Ymddiriedolaeth yn helpu prosiectau sy'n berthnasol i un neu ragor o'r themâu ar gyfer ariannu, sef cefnogi cymunedau, cymunedau sy'n dysgu, cymunedau sy'n mentro, a helpu pobl i gael gwaith. I gael yr holl fanylion am y rhaglen ac am gymhwysedd cysylltwch â Swyddfa Cymru.

### **Manylion cysylltu:**

Ymddiriedolaeth Adfywio'r Meysydd Glo, Maritime Office, Woodland Terrace, Maes-y-coed, Pontypridd, Rhondda Cynon Taf CF37 1DZ  
Ffôn: 01443 404455  
[alun.taylor@coalfields-regen.org.uk](mailto:alun.taylor@coalfields-regen.org.uk)

### **Ymddiriedolaeth Dulverton**

Mae gwaith yr Ymddiriedolaeth yn ymwneud yn bennaf â meysydd ieuencid ac addysg, lles cyffredinol, cadwraeth, crefydd, gwaith cadwrol, heddwch a diogelwch ac Affrica, yn ogystal ag amryw o achosion eraill ar lefel genedlaethol. Er hynny, mae nifer o grantiau bach o hyd at £2,500 sydd ar gael ar gyfer prosiectau lleol a chymunedol ledled y DU. Mae grantiau mawr i ddibenion cenedlaethol neu ranbarthol yn amrywio rhwng £5,000 a £25,000. Derbynnir ceisiadau oddi wrth

elusennau sydd wedi'u cofrestru yn y DU yn unig, a disgwylir iddynt ddangos pa ffynonellau ariannol eraill y maent wedi ymgeisio ar eu cyfer a'u sicrhau.

Ni fydd yr Ymddiriedolaeth yn ariannu meysydd cyffredinol iechyd a meddygaeth (gan gynnwys caethiwed i alcohol a chyffuriau), prosiectau sy'n ymwneud ag amgueddfeydd a chanolfannau arddangos, eglwysi penodol, holl feysydd y celfyddydau, chwaraeon, ysgolion penodol, teithiau ymchwil na phrosiectau ymchwil. Ni fydd yr Ymddiriedolaeth fel arfer yn darparu cyllid ar gyfer cyflogau ac apelau cymynrodd. Anogir ymgeiswyr i gysylltu â staff yr Ymddiriedolaeth i sicrhau eu bod yn gymwys cyn cyflwyno cais.

### **Manylion cysylltu:**

Trust Director, The Dulverton Trust,  
5 St. James Place, Llundain SW1A 1NP  
Ffôn: 020 7629 9121  
Ffacs: 020 7495 6201  
[trust@dulverton.org](mailto:trust@dulverton.org)  
[www.dulverton.org](http://www.dulverton.org)

### **Sefydliad Esmée Fairbairn**

Esmée Fairbairn yw un o'r sefydliadau annibynnol mwyaf sy'n rhoi grantiau yn y DU. Mae'r Sefydliad yn rhoi grantiau i fudiadau sy'n ceisio gwella ansawdd bywyd pobl a chymunedau yn y DU, yn awr ac yn y dyfodol. Rhoddir grantiau o fewn ddau llwybr:

- Prif gronfa
- Meysydd

Mae'r Sefydliad yn gwahodd ceisiadau gan elusennau cofrestredig neu grwpiau gyda dibenion elusennol. Nid oes dyddiadau cau ar gyfer ymgeisio.

## Manylion cysylltu:

Esmée Fairbairn Foundation,  
11 Park Place, Llundain SW1A 1LP  
Ffôn: 020 7297 4700  
Ffacs: 020 7297 4701  
[info@esmeefairbairn.org.uk](mailto:info@esmeefairbairn.org.uk)  
[www.esmeefairbairn.org.uk](http://www.esmeefairbairn.org.uk)

## Amgylchedd Cymru

Mae Amgylchedd Cymru, sy'n cael ei hariannu gan Lywodraeth y Cynulliad, yn bartneriaeth o fudiadau amgylcheddol yn y sector gwirfoddol. Ei nod yw cyfrannu at ddatblygu cynaliadwy drwy hybu a chefnogi gwaith gwirfoddol i ddiogelu a gwella'r amgylchedd yng Nghymru. Mae pum cronfa ar gyfer grantiau, a gall pob un dalu hyd at 75% o gostau'r prosiect a thelir y gweddill o ffynonellau heblaw Llywodraeth ganolog.

**Grantiau rheoli:** Mae'r gronfa hon yn rhoi cymorth ar gyfer swyddi newydd nad ydynt yn rhan o weithgareddau craidd y mudiad. Mae'r grantiau'n amrywio rhwng £1,000 a £11,000. Rhaid i'r ceisiadau ddod i law erbyn dechrau Tachwedd ar gyfer grantiau sy'n dechrau ar 1 Ebrill y flwyddyn ganlynol. Gellir darparu cyllid am hyd at chwe blynedd.

**Grantiau prosiectau:** Mae'r grantiau hyn ar gyfer darparu deunyddiau'n unig mewn prosiectau datblygu cynaliadwy *cofrestrdig*, lle mae gwirfoddolwyr yn cymryd rhan. £5,000 yw maint y grantiau ar gyfartaledd. Mae eitemau cyfalaf yn gyfyngedig i £800. Gellir ymgeisio ar unrhyw adeg o'r flwyddyn, ond bydd yr arian wedi'i ddyrannu fel arfer erbyn mis Hydref.

**Grantiau cyn prosiect:** Mae'r rhain ar gyfer astudiaethau dichonoldeb, cynlluniau busnes a gwerthusiadau

cymunedol lle cynhelir astudiaethau gan drydydd parti. Mae'r grantiau'n amrywio rhwng £500 a £5,000.

**Grantiau cychwyn:** Mae'r rhain yn talu am y costau sy'n gysylltiedig â sefydlu grwpiau gwirfoddol neu gymunedol newydd, gan gynnwys llogi ystafelloedd cyfarfod, cyfleusterau a chyfarpar, prynu eitemau bach o gyfarpar, costau cyhoeddusrwydd ac argraffu, hyfforddiant, yswiriant, etc. Gellir ymgeisio am grantiau o hyd at £1,000.

**Grantiau cymorth hyfforddiant:** Mae grantiau ar gael i dalu costau cyrsiau a chynadleddau (sydd wedi'u trefnu gan drydydd parti) i staff a gwirfoddolwyr mewn mudiadau *cofrestrdig*. Darperir ar gyfer costau teithio, cynhaliaeth a ffioedd cyrsiau .

## Manylion cysylltu:

Amgylchedd Cymru, Tŷ Baltig, Sgwâr Mount Stuart, Caerdydd, CF10 5FH  
Ffôn: 029 20 431727  
[info@environment-wales.org](mailto:info@environment-wales.org)  
[www.environment-wales.org](http://www.environment-wales.org)

## Sefydliad Calouste Gulbenkian

Mae blaenoriaethau presennol y Sefydliad yn perthyn i bedwar prif gategori: y celfyddydau; addysg; lles cymdeithasol a chysylltiadau diwylliannol Eingl-Bortiwgalaid. Cynghorir ymgeiswyr i gysylltu â'r Sefydliad i gael gwybodaeth am flaenoriaethau penodol dan y categorïau hynny. Mae'r Sefydliad yn rhoi grantiau, hyd at derfyn tybiannol o £15,000 yn unig ar gyfer cynigion elusennol, gan fudiadau fel arfer, a ddylai fod yn elusennau cofrestrdig fel rheol neu'n rhai sydd wedi'u heithrio rhag treth. Rhaid i'r mudiadau fod wedi'u lleoli yn y DU neu Weriniaeth Iwerddon ac mae

croeso arbennig i geisiadau da o leoedd y tu allan i Lundain.

### **Manylion cysylltu:**

Calouste Gulbenkian Foundation (UK Branch), 98 Portland Place, Llundain W1B 1ET

Ffôn: 020 7636 5313

Ffacs: 020 7908 7580

[info@gulbenkian.org.uk](mailto:info@gulbenkian.org.uk)

[www.gulbenkian.org.uk](http://www.gulbenkian.org.uk)

### **Sefydliad Paul Hamlyn**

Dyma un o'r sefydliadau mwyaf sy'n rhoi grantiau yn y DU. Mae'n canolbwyntio ar waith i hybu prosiectau addysg a'r celfyddydau sy'n ceisio amlhau'r cyfleoedd i unigolion brofi ansawdd bywyd cyflawn yn awr ac yn y dyfodol, yn enwedig mewn cysylltiad â phlant, pobl ifanc ac eraill sydd dan anfantais. Mae'r Rhaglen Grantiau bach yn rhoi symiau o £5,000 ar y mwyaf i gynorthwyo cynlluniau a mentrau lleol yn ei brif feysydd diddordeb. Derbynnir ceisiadau gan elusennau bach cofrestredig, ysgolion a grwpiau yn y DU sydd â dibenion elusennol a rhoddir cyllid am flwyddyn yn unig fel arfer.

### **Manylion cysylltu:**

Paul Hamlyn Foundation, 18 Queen Anne's Gate, Llundain SW1H 9AA

Ffôn: 020 7227 3500

Ffacs: 020 7222 0601

[information@phf.org.uk](mailto:information@phf.org.uk)

[www.phf.org.uk](http://www.phf.org.uk)

### **Ymddiriedolaeth Elusennol Laing**

Mae'r Ymddiriedolaeth yn darparu cymorth ar gyfer amrywiaeth eang o weithgareddau. Y gweithgareddau y mae'r Ymddiriedolaeth yn eu hybu ar hyn o bryd yw prosiectau sy'n ymwneud

â digartrefedd, pobl ifanc dan anfantais, addysg a'r amgylchedd. Rhoddir bron i 1,000 o grantiau bob blwyddyn ac mae'r rhan fwyaf yn symiau o lai na £1,000. Dylid gwneud cais ar ffurf llythyr sy'n disgrifio'r prosiect arfaethedig a gellir ei gyflwyno ar unrhyw adeg cyn i'r prosiect ddechrau.

### **Manylion cysylltu:**

Laing's Family Trusts, 33 Bunns Lane, Mill Hill, Llundain, NW7 2DX

Ffôn: 020 8238 8890

Ffacs: 020 8238 8897

### **Sefydliad Lankelly Chase**

Mae'r Sefydliad yn hybu gwaith elusennau cofrestredig ledled Prydain Fawr, heblaw ardal Llundain Fwyaf. Ei flaenoriaethau yw'r celfyddydau, treftadaeth, 'torri'r cylch', datblygu cymunedau, meddyliau rhydd a thawel, troseddwr a chymdeithas ac, am gyfnod cyfyngedig penodol, ffoaduriaid a cheiswyr lloches. Mae'n cefnogi mentrau cymunedol sy'n diwallu anghenion lleol, yn enwedig elusennau bach sydd â chylch gwaith lleol neu ranbarthol yn unig. Mae'n cydnabod bod anghenion penodol gan grwpiau pobl dduon a lleiafrifoedd ethnig ac felly mae'n croesawu ceisiadau gan fudiadau o'r fath. Mae'r grantiau'n amrywio rhwng £1,000 a £40,000.

### **Manylion cysylltu:**

2 The Court, High Street, Harwell, Didcot, Oxon OX11 0EY

Ffôn: 01235 820 044

[www.lankellychase.org.uk](http://www.lankellychase.org.uk)

## Sefydliad Lloyds TSB i Gymru a Lloegr

Sefydliad Lloyds TSB yw un o'r cyrff annibynnol mwyaf sy'n ariannu'r sector gwirfoddol yng Nghymru. Mae'n ceisio cyrraedd mudiadau ar lawr gwlad ledled Cymru. Dosbarthwyd tua £2 miliwn i elusennau ledled Cymru yn 2007, a swm cyfartalog y grantiau oedd £14,500. Rhoddir grantiau i elusennau lleol a rhanbarthol gyda incwm o dan £1miliwn. Cenhadaeth y Sefydliad yw cynorthwyo a gweithio mewn partneriaeth â elusennau cydnabyddedig sy'n helpu pobl sydd dan anfantais i chwarae rhan lawnach yn y gymuned.

### Manylion cysylltu:

**Canolbarth a De Cymru** – Blaenau Gwent, Pen y Bont ar Ogwr, Caerffili, Caerdydd, Sir Gaerfyrddin, Ceredigion, Merthyr Tydful, Sir Fynwy, Castell nedd a Phort Talbot, Casnewydd, Sir Benfro, Powys, Rhondda Cynon Taf, Abertawe, Torfaen, Bro Morgannwg.

Mike Lewis  
Rheolwr Grantiau y Canolbarth a De Cymru,  
Pentagon House, 52-54 Southwark Street, Llundain, SE1 1UN  
EC3R 8WQ  
Ffôn: 07802 540793  
Ffacs: 0870 4111224  
[mid&southwales@lloydstsbfoundations.org.uk](mailto:mid&southwales@lloydstsbfoundations.org.uk)  
[www.lloydstsbfoundations.org.uk](http://www.lloydstsbfoundations.org.uk)

**Gogledd Cymru** - Conwy, Sir Ddinbych, Sir y Fflint, Gwynedd, Ynys Môn, Wrecsam.

Cerys Thomas Rhelowr Grantiau,  
Gogledd Cymru  
Pentagon House, 52-54 Southwark Street, Llundain, SE1 1UN  
Ffôn: 0750 0787749  
Ffacs: 0870 4111224  
[northwales@lloydstsbfoundations.org.uk](mailto:northwales@lloydstsbfoundations.org.uk)  
[www.lloydstsbfoundations.org.uk](http://www.lloydstsbfoundations.org.uk)

## Ymddiriedolaeth Manifold

Mae'r Ymddiriedolaeth yn rhoi cymorth i gadw gweithgareddau ac adeiladau sydd o bwys diwylliannol. Rhai o'r meysydd lle rhoddir cymorth yw: eglwysi; addysg a'r celfyddydau; yr amgylchedd ac achosion cymdeithasol. Mae'r rhan fwyaf o'r grantiau rhwng £500 a £5,000 ond rhoddir grantiau mwy hefyd. Dim ond elusennau cofrestredig a gaiff ymgeisio. Dylid gwneud ymholiadau cyffredinol a cheisiadau am grantiau drwy lythyr yn unig.

### Manylion cysylltu:

The Manifold Trust, Shottesbrooke House, Maidenhead SL6 3SW  
Ffacs: 01628 820159

## Sefydliad Rank

Mae'r Sefydliad yn canolbwyntio'n llwyr ar hybu a datblygu arweinyddiaeth ymysg pobl ifanc, cefnogi pobl ifanc sydd dan anfantais a rhai sy'n eiddil neu'n unig oherwydd henaint neu anabled, a hyrwyddo egwyddorion Cristnogol drwy ffilm a chyfryngau eraill. Er hynny, mae'r Sefydliad yn rhedeg rhaglen grantiau bach ar gyfer apelau na ofynnwyd amdanynt. Dylid cyfeirio apelau cyffredinol, gan gynnwys rhai na ofynnwyd amdanynt sy'n gysylltiedig â phrosiectau ieuenctid, addysg a gofal cymunedol i'r swyddfa yn Leamington Spa. Gellir cael gwybodaeth am

brosiectau ieuencid a gychwynwyd gan y Sefydliad ei hun gan y swyddfa yn Llundain.

### **Manylion cysylltu:**

Jan Carter  
The Rank Foundation  
12 Warwick Square  
London, SW1V 2AA  
Tel: 02079 636811  
[jan.carter@rankfoundation.com](mailto:jan.carter@rankfoundation.com)

### **Ymddiriedolaeth Elusennol Syr Jules Thorn**

Ymchwil feddygol yw prif faes yr elusen hon ac mae'n dyfarnu grantiau i brifysgolion ac ysbytai yn y DU. Er hynny, mae ei Rhaglen Rhoddion Llai yn agored i apelau gan elusennau cofrestredig sy'n rhoi cysur i bobl sâl neu anabl a grwpiau eraill sydd dan anfantais. Mae'r rhan fwyaf o'r grantiau rhwng £100 a £750.

### **Manylion cysylltu:**

The Sir Jules Thorn Charitable Trust,  
24 Manchester Square, Llundain,  
W1U 3TH  
Ffôn: 020 7487 5831  
Ffacs: 020 7224 3976  
[info@julesthontrust.org.uk](mailto:info@julesthontrust.org.uk)  
[www.julesthontrust.org.uk](http://www.julesthontrust.org.uk)

### **Sefydliad Garfield Weston**

Yn y cylchoedd ariannu diweddar, rhoddwyd cymorth i brosiectau yn y categorïau canlynol: y celfyddydau, y gymuned, addysg, lles, meddygaeth, cymdeithas, crefydd, ieuencid a'r amgylchedd. Yn 2007 rhoddodd y Sefydliad gymorth i 1,982 o fudiadau drwy grantiau gwerth £41.7 miliwn. Rhaid i ymgeiswyr fod yn elusennau

cofrestredig neu'n rhai sy'n gallu derbyn tâl drwy elusen leol. Ni ystyrir ceisiadau gan unigolion. Nid oes dyddiad cau ar gyfer ceisiadau.

### **Manylion cysylltu:**

The Garfield Weston Foundation,  
Weston Centre, 10 Grosvenor Street,  
Llundain, W1K 4QY  
Ffôn: 020 7399 6565  
Ffacs: 020 7399 6580  
[www.garfieldweston.org](http://www.garfieldweston.org)

### **Ymddiriedolaeth Elusennol Yapp**

Mae'r Ymddiriedolaeth yn rhoi grantiau i elusennau bach ledled y DU am amryw fathau o waith. Nifer bach iawn o geisiadau a gaiff yr ymddiriedolwyr o Gymru ar hyn o bryd a byddent yn hoffi cyrraedd mwy o elusennau bach yng Nghymru. Mae'r Ymddiriedolaeth yn ariannu gwaith mewn categorïau fel: pobl oedrannus; plant a phobl ifanc; pobl sydd ag anableddau neu broblemau iechyd meddwl; rhai sy'n ceisio trechu anawsterau fel caethiwed i sylweddau, camdriniaeth, problemau o ran perthnasoedd, hanes o drosedd; a dysgu gydol oes. Rhaid i ymgeiswyr fod yn elusennau cofrestredig sydd â chyfansoddiad ac a fu'n gweithredu ers tair blynedd o leiaf, ac sydd â throsiant arferol o lai na £60,000 y flwyddyn. Ni roddir grantiau ar gyfer gwariant cyfalaf. Rhoddir blaenoriaeth wrth ddyfarnu grantiau parhaus i geisiadau gan elusennau bach iawn.

### **Manylion cysylltu:**

The Yapp Charitable Trust, 47A Paris Road, Scholes, Holmfirth, HD9 1SY  
Ffôn: 01484 683 403  
[info@yappcharitabletrust.org.uk](mailto:info@yappcharitabletrust.org.uk)  
[www.yappcharitabletrust.org.uk](http://www.yappcharitabletrust.org.uk)

## **Cynlluniau Grant Cyngor Gweithredu Gwirfoddol Cymru (WCVA)**

Mae aelodau WCVA yn cael gwybodaeth am ffynonellau ariannu fel rhan o'r e-friffio bob pythefnos, neu drwy gymryd e-aelodaeth o'r WCVA am ddim cewch y bwletin misol am ffynonellau ariannu. Ceir gwybodaeth am ariannu hefyd yn e-fwletin CFSN, y bydd WCVA yn ei gylchredeg yn fisol ar ran CFSN.

### **Cronfa Ymddiriedolaeth Cymunedau yn Gyntaf**

Mae Cymunedau yn Gyntaf yn rhaglen adfywio o eiddo Llywodraeth y Cynulliad sy'n targedu'r cymunedau mwyaf difreintiedig yng Nghymru. Mae'r Gronfa Ymddiriedolaeth yn darparu grantiau bach ar gyfer grwpiau yn ardaloedd Cymunedau yn Gyntaf am unrhyw fath o weithgarwch sy'n cynnwys pobl leol drwy fudiadau dan arweiniad y gymuned. Gweinyddir y gronfa gan WCVA ac mae'n ceisio hybu gweithgareddau sydd o fudd economaidd, amgylcheddol, cymdeithasol neu ddiwylliannol i bobl.

#### **Manylion cysylltu:**

CYCG

Ffôn: 0800 587 8898

[help@wcva.org.uk](mailto:help@wcva.org.uk)

[www.wcva.org.uk](http://www.wcva.org.uk)

## **Y Gronfa Fuddsoddi Gymunedol**

Fel rhan o RhCCG, lanswyd y Gronfa Fuddsoddi Gymunedol gan WCVA drwy gydweithio â'r prosiectau sy'n bartneriaid iddo, Cymdeithas Ymddiriedolaethau Datblygu Cymru a Chanolfan Cydweithredol Cymru, i wneud buddsoddiadau tymor hir drwy becynnau ariannu ar ffurf benthyciadau hyblyg. Ategir hynny drwy gymorth ar ffurf grant datblygu er mwyn helpu mudiadau i baratoi ar gyfer derbyn benthyciadau.

Bydd y Gronfa'n helpu i feithrin cynaliadwyedd mentrau cymdeithasol a mudiadau gwirfoddol yn y gymuned mewn ardaloedd Cymunedau yn Gyntaf yn rhanbarth Amcan 1 nad ydynt yn gallu codi digon o arian o ffynonellau mwy confensiynol. Mae hon yn elfen allweddol yn rhaglen Llywodraeth y Cynulliad i ddelio ag allgáu cymdeithasol, ac fe'i cyflawnir drwy helpu i ddatblygu gallu mewn busnes er mwyn creu incwm, drwy godi lefelau sgiliau busnes er mwyn trafod asedau'n llwyddiannus, a thrwy hybu'r gwaith o redeg gweithrediadau busnes o ansawdd da.

#### **Manylion cysylltu:**

Llinell gymorth WCVA

Ffôn: 0800 2888 329

[help@wcva.org.uk](mailto:help@wcva.org.uk)

[www.wcva.org.uk](http://www.wcva.org.uk)

### **Gwirfoddolwyr y Mileniwm**

Mae Gwirfoddolwyr y Mileniwm yn rhaglen ar gyfer y DU gyfan i bobl ifanc sy'n gwirfoddoli neu'n awyddus i wneud hynny. Pwrpas y rhaglen yw hyrwyddo a chydabod ymrwymiad parhaus gan bobl ifanc 16-24 oed i weithgarwch

gwirfoddol sy'n cael effaith bendant ar y gymuned.

Rheolir y rhaglen yng Nghymru gan Banel Cynghori Gwirfoddolwyr y Mileniwm, partneriaeth rhwng WCVA a Chyngor Cymreig y Gwasanaethau Ieuenctid Gwirfoddol.

Gellir gwneud cais am symiau rhwng £50 a £7,000 i dalu costau gwirfoddolwyr.

Nid oes cyfyngiad ar nifer y ceisiadau y gellir eu gwneud. Gellir cymeradwyo ceisiadau gan brosiectau sydd dan arweiniad pobl ifanc yn gyflym iawn drwy system garlam. Bydd y panel cynghori'n cwrdd bedair gwaith y flwyddyn.

### **Manylion cysylltu:**

Desg gymorth WCVA

Ffôn: 0800 2888 329

[help@wcva.org.uk](mailto:help@wcva.org.uk)

[www.wcva.org.uk](http://www.wcva.org.uk)

### **Cronfa Gwirfoddoli yng Nghymru**

Mae Cronfa Gwirfoddoli yng Nghymru yn cynorthwyo prosiectau y cyflawnir eu nodau gan wirfoddolwyr yn bennaf; sy'n recriwtio ac yn lleoli gwirfoddolwyr; sy'n datblygu arferion da ym maes gwirfoddoli; neu'n hyrwyddo gweithgareddau mewn ardaloedd lle na cheir llawer o wirfoddoli ar hyn o bryd.

Mae unrhyw fudiad gwirfoddol sydd â chyfansoddiad sy'n gweithio neu'n bwriadu gweithio yng Nghymru yn gymwys i ymgeisio. Mae grantiau o hyd at £25,000 ar gael yn y flwyddyn gyntaf, ac mae cyfle i ymgeisio am gyllid o £12,500 yn yr ail flwyddyn a £6,250 yn y drydedd.

### **Manylion cysylltu:**

Desg gymorth WCVA

Ffôn: 0800 2888 329

[help@wcva.org.uk](mailto:help@wcva.org.uk)

[www.wcva.org.uk](http://www.wcva.org.uk)

### **Bwrdd yr Iaith Gymraeg**

Amcan Cynllun Prif Grantiau Bwrdd yr Iaith Gymraeg yw cynyddu'r defnydd o'r Gymraeg. Gall y Bwrdd ddsbarthu grantiau i hybu gweithgareddau sy'n ceisio cyflawni'r amcan hwn. Mae grantiau ar gael i hyrwyddo gweithgareddau mudiadau os yw hyrwyddo a chynyddu'r defnydd o'r Gymraeg yn rhan annatod a chanolog o'u cyfansoddiad. Caiff mudiadau ymgeisio am grant ar gyfer cynnal gweithgareddau priodol, cyfrannu at gostau craidd a chyflogau, yn ogystal â chostau eraill sy'n ymwneud â rhedeg y mudiad.

Os nad yw hyrwyddo a chynyddu'r defnydd o'r Gymraeg yn rhan annatod a chanolog o'r cyfansoddiad, mae'n bosibl y bydd mudiadau'n dal i fod yn gymwys i ymgeisio os mai amcan y rhaglen yw cynyddu'r defnydd o'r Gymraeg yng Nghymru.

Gallai hynny gynnwys rhaglenni sydd, ymysg pethau eraill:

- yn creu cyfleoedd newydd i ddefnyddio'r iaith;
- yn darparu gwybodaeth i bobl am y cyfleoedd sydd ar gael i ddefnyddio'r iaith;
- yn hybu ac yn hyrwyddo'r defnydd o'r Gymraeg;
- yn diogelu ac yn datblygu gweithgareddau cyrff a mudiadau a sefydlwyd i hyrwyddo'r Gymraeg;

- yn cynhyrchu adnoddau i hwyluso'r defnydd o'r Gymraeg.

Mae grantiau ar gael hefyd ar gyfer cynhyrchu deunydd dwyieithog (e.e. taflenni ac arwyddion) drwy'r Cynllun Grant Busnes.

### **Manylion cysylltu:**

Tîm Grantiau Bwrdd yr Iaith Gymraeg,  
Siambrau'r Farchnad,  
5 - 7 Heol Eglwys Fair,  
Caerdydd, CF10 2AT  
Ffôn: 029 2087 8000  
[www.bwrdd-yr-iaith.org.uk](http://www.bwrdd-yr-iaith.org.uk)

### **Ymwadiad**

Mae'r wybodaeth a ddarperir yn y daflen hon ar gyfer cyfarwyddyd yn unig. Nid yw'n amnewid am gyngor proffesiynol ac ni allwn dderbyn unrhyw gyfrifoldeb am golled o ganlyniad i unrhyw berson weithredu neu wrthod gweithredu arno.

### **Am rhagor o wybodaeth cysylltwch â**

#### **Medrwn Môn**

*Uned 5, Parc Ddiwydiannol Bryn Cefni, Llangefni, Sir Ynys Môn, LL77 7XA*  
**Elusen Gofrestredig 1088828**

**Ffôn:** 01248 724944

post@medrwnmon.org

**Ffacs:** 01248 750149

www.medrwnmon.org



Ffôn: 0800 2888 329

[www.wcva.org.uk](http://www.wcva.org.uk)

Cynhyrchwyd gan WCVA, Cyngorau Gwirfoddol Sirol a Chanolfannau Gwirfoddoli  
**Wedi ei ddiweddarau:** 14/07/2010